



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

76. De Presbyteris qui longè positi suntm ut de octo vel decem unus
veniat in cœna Domini, qui aliis chrisma deferat.

urn:nbn:de:hbz:466:1-14622

eumque inunguant. & cetera.

*Consentiunt in hoc loco editio Helma-
diensis & codex MS. Parisiensis quo nos usi
sumus. Variant autem libri Capitularium.
In editis sanè, tum apud Burchardum, & in
veteri codice MS. Bibliothecæ Colbertina,
tum etiam in nostro, precipitur ut Presbyter
tres ampullas secum deferat. Sed in veteri co-
dice MS. ex quo prima Parisiensis editio
prodiit, tum etiam in antiquissimo libro mo-
nasterij Rivipullensis, ita omnino legitur:
Ut Presbyter in cœna Domini duas ampul-
las secum deferat, unam ad chrisma, alte-
ram ad oleum ad catechumenos inunguen-
dum vel infirmos juxta sententiam &c.
Hanc ultimam lectionem secutus est Regino.
Contrà in veteri codice pontificali Ecclesie
Rotomagensis apud Hugonem Menardum in
Notis ad librum Sacramentorum pag. 80.
Mane primo Mansionarij ordinent omnia
quæ sunt necessaria ad consecrationem
chrismatis, ampullas tres de oleo mundissi-
mo plenas ponentes in sacrario, unam ad
oleum pro infirmis, alteram ad chrisma,
tertiam verò ad oleum ad catechumenos
ungendum.*

De Presbyteris qui longè positi sunt. *Item
unde suprâ capite XCIII.*

Ljb. 1. Capi-
tular. c. 99.
Burchard. lib.
4. c. 79.

LXXVI. De Presbyteris qui accipien-
di gratia chrismatis ad civitates in cœna Do-
mini venire soliti erant, sancitum est ut de
his qui longè positi sunt, de octo vel decem
unus ab Episcopo eligatur, qui acceptum

DE ECCLES. DISCIPLINIS. 61

chrisma sibi & sociis diligenter perferat. Hi verò qui non longius à civitate quàm quatuor aut quinque millibus habitant, more solito ad accipiendum chrisma per se veniant; discendi verò gratia alio non quadragesimali tempore ad civitatem convocentur, propter plebes sibi commissas.

Ut alterius Episcopi chrisma nullus Presbyter accipiat. *Ex Concilio Vasensi,*
cap. III.

LXXVII. Per singula territoria Presbyteri vel ministri ab Episcopis non prout libitum fuerit, à vicinioribus, sed à suis propriis per annos singulos petant chrisma, appropinquante sollemnitate paschali, nec per quemcunque ecclesiasticum, sed si qua necessitas aut ministrorum occupatio est, per Subdiaconum, quia inhonorum est inferioribus summa committi. Optimum autem est ut ipse suscipiat qui in tradendo usus est. Si quid autem obstat, saltem is cuius officij est sacramentum disponere & sacramenta suscipere.
[*Vide Concilium Carthaginense 4. cap. 36.*]

Ut nullus minister sine chrismate proficiscatur.

LXXVIII. Nullum ministrorum, qui baptizandi recepit officium, sine chrismate unquam debere progredi, quia inter nos placuit semel in baptismo chrismari. De eo autem qui in baptismo quacunque necessitate faciente non chrismatus fuerit, in confirmatione sacerdos commonebitur.

Lib. 7. Capitular. c. 310.
Burchard. lib. 4. c. 78.

Concil. Arausic. t. c. 2.
Burchard. lib. 4. c. 73.